



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Patriarchae Antiocheno.

urn:nbn:de:hbz:466:1-20006

rum electionibus, immo verius intrusoribus penitus irritatis, excommunicatos publice nuncetis, & usque ad condignam satisfactionem facias ab omnibus arctius evitari; districtius inhibentes, ne quis eis obtentu electionum fidelitatem, obedientiam, vel reverentiam audeat exhibere. Nullis literis &c. Quod si omnes &c. Datum Laterani III. Kalend. Ianuarij.

*A R C H I E P I S C O P I S ,
Episcopis, & ceteris Ecclesiarum Prelatis
in Vngaria constitutis.*

Epist. 511.
Ne quis in Vngaria Regis Consiliarios facili excommunicationis sententiam profert.

CVM inter alios mundi Principes perlonam carissimam in Christo filij H. Vngariae Regis illustris & regnum sibi commissum prærogativa dilectionis & gratiae disposuerimus honorare, in admittendis petitionibus regii, quoties nostro apostolatu porriguntur, tanto nos faciliores, quantum cum Deo possumus, volumus exhibere, quanto ad promovenda universa & singula quæ regia debet serenitas acceptare, volumus existere proniores. Sanè postulavit nuper concedi sibi à nobis ad instar bonæ memoriae Clementis Papæ prædecessoris nostri regia celsitudo, ut nullus Archiepiscopus, vel Prælatus quilibet, in familiares & Consiliarios suos, de quorum absentia & privatione tam regnum Vngariae quam persona Regis possit incurgere detrimentum, & præsertim in Geuriens. Episcopum dilectum & familiarem suū, qui post mortem inclytæ recordationis B. progenitoris ejus tam in guerra quam in pace in omnibus & præ omnibus fidelis sibi extitit & devotus, & inter fideliores fidelissimus est inventus, unde ipsum dignis in Domino laudibus commendamus, excommunicationis sententiam promulgaret. Quod si fuissest ab aliquo forsitan attentatum, per quem mallet Archiepiscopum vel Episcopum usque ad decem absolvi faceret, cuiuslibet contradictionis & appellationis obice non obstante. Nos ergo de benignitate sedis apostolicæ magnificientia regia uberiori volentes favorem & gratiam imperi, universitati vestrae auctoritate præsentium duximus inhibendum, ut in Consiliarios & familiares ipsius, quorum in hac tempestate consilio & familiaritate sine magno sui dispendio carere non potest, nullus vestrus, nisi pro manifesta & rationabili causa, & canonica mo-

nitione præmissa, excommunicationis vel interdicti sententiam audeat promulgare. Quod si aliter fuerit in elusionem mandati apostolici perperam per præsumptionem cuiuslibet attentatum, decernimus non tenere. Nulli ergo &c. Datum Laterani VI. Idus Ianuarij.

P A T R I A R C H Æ A N T I O C H E N O .

NE lèdatur libertas ecclesiastica, vel ministri Ecclesiarum à perversis hominibus opprimantur, nobis, qui omnibus sumus ex injunctæ servitutis officio secundum Apostolum specialiter debitores effecti, sollicitius imminet providere. Nostris siquidem fuit auribus intimatum quod cum expensas in Antiochena civitate fieri pro aliqua necessitate contingit, communia ipsius civitatis Ecclesias, Clericos, & eorum homines, cuiuscunq; conditionis vel linguae sint, in exactione talliæ contra antiquam consuetudinem aggravant, quam recipere ac pro sua expendere voluntate præsumunt. Præterea tam te quā Ecclesias tuas in multis aliis infestantes, omnes Clericos Antiochen. ad justitiam cuilibet laico exhibendam nituntur sub prætextu sui compellere juramenti. Possessions etiam ecclesiasticas per judicium & consuetudines Græcorum tractare conantes, jura Ecclesiæ Latinorum confuetudinibus abusivè pervertunt. Nos igitur excessus hujusmodi in patientia sustinere nolentes, auctoritate præsentium districtius inhibemus ne aliquis tibi, Ecclesiis, seu Clericis, vel hominibus vestris hujusmodi violentias vel gravamina de cetero inferre præsumat. Quod si quis facere aliqua temeritate præsumperit, licitum tibi sit in eum auctoritate apostolica censuram rigoris ecclesiastici promulgare. Nulli ergo &c. Datum Laterani Nonis Ianuarij.

T Y R E N . A R C H I E P I S C O P O .

DE testimoniis qui ad exceptionem probandam à partibus inducuntur, tua nos duxit fraternitas consulenos, utrum cogendi sint super principali etiam negotio ferre testimonium veritati, & an illi sint, sicut ceteri testes, examinandi strictè, qui ad purgandam alicuius infamiam inducuntur. Super hoc igitur fraternitatem tuam plurimùm in Domino commendantes, quæ in dubiis apostolicæ sedis vult certifica-

Epist. 501.
De conservanda ecclesiastica libertate, & ne à laicis Ecclesiæ exactiones imponantur & talliae.

Epist. 513.
Quatenus testes ad exceptionem probandam adhibiti, in causa principali testimoniū dicere cogantur.
Cap. 29. De testimoniis.